



Jnr. 1020.21

MS/thm

Vestland fylkeskommune
Innovasjon og næringsutvikling
Postboks 7900
5020 Bergen

Uttale: Berekraftig verdiskaping - Regional plan for innovasjon og næringsutvikling i Vestland

Sunnhordland er ein region med rik verdiskaping innan kraftproduksjon, industri og primærnæringer. Sunnhordlendingen er innovativ av natur, og har visst å utnytta dette og har eit sterkt, robust og variert næringsliv. Næringslivet i Sunnhordland er omstillingsdyktige og framoverlente, og tar overgangen til nullutsleppssamfunn på alvor. Visjonen om å vera nyskapande og berekraftig treff regionen vår godt!

Syner til plan «Berekraftig verdiskaping – regional plan for innovasjon og næringsutvikling i Vestland» og oversende følgjande innspel frå Samarbeidsrådet for Sunnhordland IKS:

1. Utviklingsplanen er historisk med at det er den første for to samanslegne fylke, to kulturar som skal smeltast saman. Den skal femna om storbyen vår og heilt ned til dei minste kommunane, frå inste fjordar til ytste kyst. Noko som er utfordrande. Derfor er det viktig at det er rom for å vera ulike, og at planen tar opp i seg det særeigne/stadlege ressursar og byggjer vidare på det.
2. Det er ein 12 årig plan, så det blir svært viktig med årleg rullering av Handlingsplanen. Noko den ekstraordinære situasjonen med pandemien me no står i viser oss viktigeita av.
3. **Grøn næringsutvikling**
 - Samferdsle svært viktig for næringsutvikling. Dette gjeld både for verksemder som skal utvida, utvikla eller som vil etablera seg. Hordfast, Sunnfast og betre tilkopling mellom Austevoll og E39 er til dømes eit svært avgjerande prosjekt for å binda vår region tettare saman internt og med regionen nord for oss, og for å styrka konkurransekrafta og omstillingsevna til næringslivet vårt.
 - Kollektivtilbodet er svært viktig for ungdommane våre, men også arbeidstakarar har behov for eit kollektivtilbod som gjer at dei kan bu på draumestaden og få arbeid der. Her må fylkeskommunen vera lagspelar. Kollektivtilbod er i tillegg ein rask og enkel måte å redusera utslepp på. I eit område som har så ulike utfordringar som Sunnhordland er det viktig at fleksible tilbod, gjerne med små lokale aktørar inngår i eit fylkeskommunalt tilbod. Me ber om at det vert lagt opp til fleire pilotprosjekt på alternative kollektivløysingar som både er miljøvenlege og betre svarar på innbyggjarane sitt transportbehov.
 - Digital utbygging og nettverkskapasitet. Får ikkje næringa kraft og digital tilgang så etablerer dei seg annan stad.

- Grøn næringsutvikling får ein og ved at offentleg anbod forma slik at lokale aktørar blir føretrekte framfor import langvegs frå. Som til dømes vekting av krav til utslepp, lærlingar og lokalkunnskap.

4. Innovative og inkluderande samfunn

- Fleire fylkeskommunale arbeidsplassar bør leggjast desentralisert og fylkeskommunen bør vera ein pådriver mot staten for å få desentralisert statlege arbeidsplassar. Det er sjølv sagt ikkje desse som skal danna eit grunnlag for lokalsamfunna, men det er av høg betydning for utvikling av lokalsamfunna om ein har offentlege arbeidsplassar eller ikkje!
- Det er dei levande lokalsamfunna som gjer at folk vil busetje seg. Helsetilbod, skule, idrett og kulturtilbod. Flott natur frå fjord til fjell hjelper, men me treng meir. Folk bur der det er næring, det blir næring der folk bur!
- Vidaregåande skule er grunnleggjande for at ungdommene skal bli verande, eller komma tilbake til regionen. Det er behov for eit tett samarbeid mellom utdanningsinstitusjonar og næringslivet både om opplæring, vidareutdanning og forsking. Yrkesfaga bør styrkast, og det bør arbeidast for å reetablera opplæring i fag som næringslivet i regionen treng, men som i dag er mest heilt overlate til utanlandsk arbeidskraft (isolasjon, stillas, overflate, mm.). Me ønskjer at fylkeskommunen saman med regionen kan tilpassa det vidaregåande tilbode til lokalt næringsliv og tenestetilbod elles. Bømlomodelen må videreutviklas.
- Desentralisert fagskule, høgskule/universitet slik at samarbeid mellom opplæringsinstitusjonane og lokalt initiativ kan utvikla seg. Her kjem den digitale infrastrukturen inn som ein premiss. Kompetansebehovet endrar seg fort.

5. Areal for næringsutvikling

- Ein overordna plan må sjølv sagt ligge til grunn, men samstundes må kommunane sjølv kunne være med å sette kurs for utvikling av areal. Mykje av næringslivet i Sunnhordland er i tilknyting til sjø, her må kommunane også i framtida kunne byggja ut for den type næring som treng ligge der. Ein kan heller setje krav til at ein ikkje nyttar dette verdfulle arealet til anna næring. Planane må ikkje kollidera, t.d. kystsoneplan og næring.
- Det er ulike behov ang areal i kvar kommune. Planen må vera hjelpemiddel, ikkje hinder.
- Me vil og trekke fram storregionen Haugalandet og Sunnhordland, og det viktige samarbeidet mellom dei to regionane. Storregionen mellom Bjørnafjorden og Boknafjorden har ein felles bu- og arbeidsregion.

Avslutningsvis vil me rosa fylkeskommunen for eit godt grunnlag og ser fram til vidare samarbeid med dykk!

Sunnhordland, 26. mars 2021

Morten Storebø
styreleiar

Tora Haslum Myklebust
dagleg leiar

Brevet er godkjent elektronisk og har difor ingen handskriven underskrift.